



**Loca Infesta,|| Hoc est:|| De Infestis,|| Ob Molestantes||
Daemoniorvm Et Defvncto-||rvm Hominvm Spiritvs,
Locis,|| Liber Vnvs.||**

Thyraeus, Petrus

Coloniae Agrippinae, 1598

VD16 T 1247

Cap. LXVI. An & quomodo Oratione ad Deum facta, loca liberentur à
Dæmonum molestijs?

[urn:nbn:de:hbz:466:1-61332](#)

Huic quinta differentia proxima est. Quidam impetratorij tantum sunt purgationis locorum; non autem per se loca purgant; alij sunt operatorij, vt ita dicam, & per se efficaces. Prioris generis Oratio est, qua à Deo & Sanctis petitur, vt vel hi à Deo obtineant, vel ille præstet libertatem. Posterioris generis sunt reliqui, qui directè ipsos aggrediuntur spiritus.

Præterea, Quidam vnum tantum usum habent; alij plures. Exorcismus solum locis purgandis seruit, & spiritibus proscribendis. cæteri præter hoc alios habent fines, quemadmodum aliâs demonstratum est.

Item quosdam modorum necesse est adhiberi ijs locis, quæ spiritibus infesta sunt, si spiritus profligari debeant: quidam aliis quibuscumq; possunt; & tamen ad proscribendos spiritus valent. Oratio vt in infestis locis fiat, necesse non est. At si Crux aliis fiat; aliis adhibeantur Exorcismi; aliis suspendantur vel ponantur Reliquæ & Res consecratae, quam infestis parum promoueris.

Sic quosdam expedit ijs temporibus adhiberi, quando iam spiritus molesti sunt: alij possunt adhiberi aliis. illis utilissimus est Exorcismus, in quo cum spiritibus in certamen descenditur: Crux item præsentissimum aduersus eosdem telum: his oratio, Reliquæ, sacrae R-s.

Plures inter dictos modos possunt assignari differentiae; sed pluribus opus non est. forsitan etiam assignatae nimiae sunt. Modos igitur singulos discutiamus & probemus.

C A P . L X V I .

De Oratione, qua Dæmoniorum Spiritus fugantur, deque eius, præ reliquis bonorum operum geueribus, in hoc negotio efficacitate.

 Rationem ad spiritus Dæmoniorum profligandos, & loca ab ipsis locis molestia & infestatione liberanda plurimū valere, ex multis plurimis clarum est. superius, capitulo nos horum duo assignauimus. Primum est presbyteri, cuius B. Augustinus meminit; qui oratione atque sacrificio Missæ domum Hesperij purgavit. Alterum Sacerdotum, qui à Moguntino Præfule, cum authoritate missi, aqua lustrali atque comprehensionibus profligarunt pestilentem in agro Bingensi spiritum. His addimus tertium, ex vita B-ati Gregorij, cuius hortatu-

Litanij, formidabile quoddam Dæmonis, quasi cornuti, spectru, quod certo cuidam loco ita infestum erat, vt in eo eomorari nullus posset, abactum tandem est, & expulsum. Ita in vita Gregorij refert Ioannes Diaconus libro 4. cap. 93. Addamus & quartum ex eiusdem vita, vbi (lib. 4. cap. 93.) refertur oratione in fugam conuersum Nequam Spiritum, qui in forma cati Religioso viro haud parum fuit molestus. Pluribus opus non est. Quotiescunq; ferè vel Cruce, vel Exorcismis Dæmonis profligati sunt, suas etiā partes egit Oratio: qua sine nec Crux, nec Exorcismus à fidelibus adhibita videntur.

His alia quædam adiungimus, quæ eiusdem orationis, aduersus Dæmones vim egregiè declarant: Fortunati inquam Tudertinæ Ecclesiæ Episcopi; quem oratione Dæmones ex hominum corporibus eiicere solitum lib. 1. Dialog. cap. 10. scribit B. Gregorius. & D. Bernardi; qui continua vnius noctis oratione Cremonæ Dæmonem profligauit, vt in eius vita habet Bernardus Bonquallenlis. Et B. Hilarionis; qui in Cypro Insula, à misera Dæmonum vexatione, oratione ad Deum facta, ducentos propemodum, partim viros, partim mulieres, eripuit; teste B. Hieronymo in eius vita.

Verūm nec si hæc atque his similia exempla desiderarentur, de assertione dubium animum licebit habere; propter tria, quæ Sacra literæ insignia suppeditant argumenta. Primum petitur ex promissione orationi facta: alterum ex vi orationis, ipsiusque effectibus, quos admodum habet excellentes: tertium ex Domini sermone, qui orationem plurimùm in Dæmonibus profligandis docet valere.

Primum tanto firmius est, quod promissio orationis ab illo sit facta, qui quod promisit, & potest præstare. quia omnipotēs est: & debet præstare, quia fidelis est: & volet præstare, quia benignus est, atque misericors, ab illo, inquam, in cuius sc̄more scriptū, *Rex Regum*, & *Dominus dominantium*; Apoc. 19. *Cui data omnis potestas in cælo, & in terra*; Mar. 16. qui (quod ad propositum nostrum facit) habet clavem abyssi, & catenam magnam in manu sua, vt loquitur sanctissimus Ioan. & apprehendere potest Draconem, serpentem antiquum, eumq; ligare & mittere in abyssum, & claudere atque signare; Apoc. 20.

Sed quæ promissio? quæ? Primum ipse docet voti compotes futuros, qui se ad Deum per orationem conuertunt. Petite, inquit, & dabitur vobis. Matth. 7. Deinde dictis suis in eadem re iuramenti contestatione fidem facit: Amen, inquiens, dico vobis, si quid petieritis Patrem in nomine meo, dabit vobis. Ioannis 16. Nec hoc contentus, multis

multis rationibus ad certam nobis spem faciendam vtitur. Quis,
inquit, ex vobis homo, quem si petierit filius suis panem, nunquid lapidem
porriget ei? aut si pisces petierit, nunquid serpentem dabit ei? Si ergo vos,
cum sii is mali nos tis bona data dare filiis vestris, quanto magis pater vester,
qui in Cœlo est, dabii bona petentibus se Luce 11.

Alterum argumentum ab Orationibus effectibus petitur. Tales o-
rationi tribuuntur, vt omnino ex ipsis concludi possit, Oratione, lo-
ca, à quacunque, quorumcunq; spirituum, infestatione purgari.
Qualia enim sunt corporis languores sanare? fluxam & caducam
hanc vitam prorogare? pacem & tranquillitatem conciliare? ab
hostibus & inimicis liberare? victoriam impetrare? soli vbera-
tem, & pluuiam obtainere? Atqui hæc omnia Oratione perfecta
sunt. Insi matur qui in vobis, inquit S. Iacobus, capite 5. inducat Pres-
byteros Ecclesiæ, & orent super eum, & oratio fidei saluabit infirmum. En-
corporis sanitas. Oravit Dominum Ezechias (Isaiæ 38.) Obsecro, in-
quit, Domine &c. & sequitur: audiui Orationem tuam: ecce adyciā su-
per dies tuos, quindecim annos. En prorogatio vite. Obsecro, ait aposto-
lus 1. Timoth. 2 primum omnium orationes fieri, pro omnibus, vt quietam
& tranquillam vitam habeamus. En pax. Audiui Orationem tuam, loqui-
tur Deus Ezechiae (Isaiæ 38.) & de manu Regis Assyriorum eruam te,
& cunctatem istam. En ab hostibus libertas. Cum Moyses leuaret manus,
dicitur Exod. 17. vincebat Israel. En Victoria. Multum valet oratio iusti
asidua. Elias homo erat, similis nobis, passibilis. & Oratione oravit, inquit
S. Iacobus (capite 5.) vt non plueret super terram; et non pluit annos tres.
& menses sex. Et rursus oravit, & calum dedit pluuiam, & terra dedit
fructum suum. En vberas soli, & pluuias. Quid multis? Oratione parit
sapientiam & intellectum. Iacobi 1. sterili vtero fœcunditatem
impertit: Genesis 15. eruit à probro, & morte; Daniel 13. placat ira-
rum Deum. Exod. 32. Cœlum & Paradisum aperit: Lucæ 23. Deni-
que nihil ita arduum, nihil tam difficile; quod per Orationem;
aut factum non sit, aut certè fieri non possit. Hæc fieri oratio-
ne potuerunt: non poterunt profligari. Spiritus Dæmonio-
rum?

Quod verò plurimum valeat ad Dæmones abigendos, & ex-
igendos, hæc Domini docet oratio: Hoc genus Dæmoniorum non
egi, nūi nisi Oratione & ieunio; Matthæi 17. Quid hac apertius?
quid disertius dici potest? quid accommodatius ad rem præsen-
tem afferre?

De vero enim Dæmonio erat Domini sermo. Illud Apostoli
ejcere nequibant. eiecerat Dominus, ad preces parentes filij, qui
D. d. 3 torque-

torquebatur. Apostolis sciscitantibus, cur non potuerint eiicere, qui & facultatem eiiciendi accepissent; & Dæmonia, iam multa cieissent, respondet: *Hoc genus Dæmoniorum non ejicitur, nisi in iejunio & Oratione.*

9. Sic de vera Oratione Dominus loqui intelligendus est. Hoc primò ipsa vox, *oratio*, insinuat, quæ per se sumpta, non nisi mentis in *Deum eleuationem* significat, tom. inde manifestum est, quod multus in *Oratione* fuerit Dominus (Lucæ 6.) & idcirco Dæmonium eiicere potuerit: Apostoli, qui minus in *oratione* fuerunt frequentes (quemadmodum de ipsis, *Domino obiiciebant Pharisæi*, Lucæ 5.) eiicere nequibant.

10. Verum enim uero in quo nos maximum præsidium ponimus, leue forte quidam, in nostra causa, existimant: propterea quod non de Dæmonibus *ex locis* exigendis, sed ex *corporibus humanis* expellendis, Dominus loquatur. Deinde quod certum quoddam Dæmoniorum genus nominet, quod *Oratione* pellatur: ut ob id *Oratio communis quedam machina*, contra omnes *Spiritus* dici non debeat. Accedit tertium, quod non minus præsidij in *ieiunio* ponat, quam *oratione* (utrumque enim coniungit) ut idcirco vel dicti debeat æquè, *orationem & Ieiunium valere ad Dæmones locis profligandos*; vel non valere *orationem*.

11. Triahis tribus argumentis queruntur; ad quæ, ubi breuiter responsum fuerit, Caput concludemus. Primum est, An Domini sententia demontrari possit. *Dæmones non ex hominibus tantum, verum etiam locis infestis* oratione proscribi. Secundum, An oratio ad omnes *Spiritus* profligandos valeat; an ad aliquos tantum. Tertium, cur *potius orationi* tribuamus exilium atque proscriptiōnem *Spirituum Dæmoniorum*, quam *ieiunio*; cum orationi Dominus *ieiunium coniunxerit*, & utriusq; parts esse vires insinuet,

12. Potestne igitur Domini sententia doceri, etiam locis, & non tantum hominibus per *Orationem* proscribi *Dæmones?* Potest omnino, quamvis enim de solo hominem inhabitante Dæmonio sermo sit; alia tamen, quæ loca infestant, non excludit. Hoc primū inde clarum est, quod *Oratione* docuerit, *omnia obtineri possit*: unde ex illo, quod non ita locis, quæ infesta reddunt; sicut hominibus, quos obseruent, videantur coniuncta atq; unita, ut idcirco difficilius multò homines, quam loca relinquant. deniq; propterea, quod etiam in hominibus sint, veluti in quibusdam locis; ut ob id, si doceatur, *oratione ex hominibus eiici*, hoc ipso demonstrum sit, *oratione locis pelli posse*.

sic

Sic ad omnes Dæmoniorum Spiritus profligandos valet oratio. 13.
 Esto vnius generis Dominus meminerit: sed illud tale fuit, ut cæ-
 tera omnia oratione in fugam converti, certum sit, si demonstra-
 tum sit hoc oratione pelli. Quomodo vero? quia quod oratione do-
 cetur profligari, cæteris omnibus onerosius est, & difficilius. Ei-
 ciebant passim Discipuli Christi Spiritus verbo, & nomine Domi-
 ni inuocato: verum ad hoc Dæmonium nomen Domini inuocatu-
 no sufficiebat: alia pro hoc expugnando erat necessaria machinæ,
Oratio atq; Ieiunium Nunc hinc argumētamur. Si quod difficillimè
 pellitur Dæmoniū, oratione pelli potest; poterit pelli quodcunq;
 cuius vires sunt inferiores. At pellitur oratione, quod difficillimè
 pellitur. Poterit igitur quodcunq; aliud Dæmoniorum genus.

Cur vero orationi, non Ieiuno Spirituum profligationem tri-
 buimus (Ad hoc plurima essent dicenda. Nos pro instituti, & lo-
 ci ratione, multa paucis. Primum est. Ieiunij hic etiam vires
 magnas esse. Alterum non Ieiunium tantum, sed & Eleemo-
 synas, & alia pietatis Christianæ exercitia posse permultum.
 Tertium, hæc per se ad Dæmones profligandos non valere. Quar-
 tum per se valere orationem. Quintum, orationi potissimum tri-
 buisse Dæmonum electionem Dominum. Sextum adiunxisse Ie-
 iunium, quod hoc, ut mens ad Deum per orationem veniat, efficiat.

Primum infinita declarant, quæ pro Ieiunij commendatione,
 partim à sacris literis, partim in sanctis Patribus, reperiuntur. do-
 cent enim peccata ne committantur, impedire: commissa expia-
 re: ad paradisum, unde propter violatum Ieiunium, expulsi fue-
 ramus, redditum præstare: mentem ad Deum eleuare: promerita
 supplicia redimere: impendentes clades arcere: magna Dei be-
 neficia impetrare: sanitati demum utriusque hominis plurimum
 conferre. Omnia hæc breui oratione complexus B. Hierony-
 mus, Epist. ad Eustochium: Medicinale Ieiunium, inquit, omnem au-
 fert languorem. & omnem tribuit virtutem & gratiam. Cæterum vim
 eius aduersus Dæmones disertè exprimit Athanasius lib. de Virgi-
 nitate. *Quisquis, inquit, immundo Spiritu vexatur, certum habere debet,*
Spiritus malos Ieiunio afflictos abscedere, vim Ieiunij metuentes.

Nic de Eleemosyna præstantia dubium nullum est. Et hanc agnoscit,
 qui in sacris literis mediocriter est versus. Docet Tobias (cap. 4.)
Eleemosynam à monte liberare: peccata purgare; & nō pati animam iræ in
 tenebras. Idem Regius Propheta, Psal. 40. Beatus, inquit, vir, qui in-
 telligit super egenum & pauperem; indie mala liberabit eum Domi-
 nus. Dominus conseruabit eum, & vivificabit eum, & non tradet eum
 in animam inimicorum eius. Docet Saluator ad cælestis gloriæ præmi-

um, per Eleemosynam perueniri: Facite, inquiens, (Lucæ 16.) vobis amicos, de mammon: iniquitatis; ut cùm defeceritis, recipient vos in eterna tabernacula. Docet Salomon, præter hæc, etiam promouere bona externa, & fortunæ casibus obiecta. Notum est illud Proverb. 28. *Quid dar pauperi, non indigebit.*

17. Nec prius sunt vires quorumcunq; pietatis Christianæ exercitiorum. Pietas, inquit Apostolus (1. Timoth. 4.) ad omnia utilis est. Et Salomon (sapient. 3.) Bonorum laborum glorioſus est fructus. Non ignorarunt has Ezechias Rex, atque item sanctissimus Paulus: vnde ille in extremo vitæ periculo constitutus, ausus est dicere: *Obsecro Domine, memento queso, quomodo ambulauerim coram te, in veritate & corde perfecto, (4. Reg. 20.) Hic verò: Bonum certamen certavi, cursum consummaui, fidem seruavi. In reliquo reposita est mihi corona iustitiae, quam reddet mihi Dominus, in illa die. iustus Iudex: non solum auctem mihi, sed & ijs, qui diligunt aduentum e. us. 2. Timoth. 4.*

18. Quod verò tertio loco dicehamus, opera hæc ad demones profiliandos instituta non esse, nec per se ed tendere, dubium non est. Ieiunium corporis afflictioni seruit, & vt Spiritui caro subiiciatur, institutum est: Eleemosyna ad proximi misericordiam subeuandam facit. Reliqua pietatis exercitia ad futuræ vitæ gaudia obtinenda conferunt. At Oratio per se valet ad profiliandos Demones. Ipsam generale quoddam mortalium voluit esse præsidium Deus Opt. Max. ad omnia omnino bona obtinenda: ad omnia omnino mala propulsanda, etiam immundorum Spirituum molestias: quemadmodum, quam Dominus orandi formam reliquit, quæque ab ipso, quod Dominica dicatur, nomen obtinuit, egregiè demonstrat & explicat.

19. Quod Orationi potissimum Dominus Daemonum ciectionem tribuat, multis hoc loco ostendit doctissimus Tostatus Abulensis. Nec de hoc dubitat, qui & Orationis vires agnoscit: & quid ieiunium orationi coniunctum efficiat, attendit.

20. Denique Orationem ieiunio iuuari cui dubium? Nonne duæ eius alæ altera, quæ cælum concendent, & ad Dei conspectum peruenit; altera, qua à Deo, quod postulat, obtinet? Et ad illud iuuati lejunum: ad hoc Eleemosyna. Ut optimè dixisse credendum sit B. Chrysostomum, quando hom. 71. ad Populum, orantem leuem vocat & alatum.

21. Sed tamen Eleemosyne Dominus non meminit; nec aliorum pietatis operum: propterea; quod non ita cum Oratione coniuncta sint, nec tanta ipsorum ad bene orandum necessitas; quanta Ieiunij. omnino.

mo necesse est, vt per orationem mens in Deum eleuetur; ad quod iuuat leiuium: vt verò, quod petit, obtineat (ad quod prosunt pietatis opera) necesseron est.

CAP. LXVII.

De reliquiarum usui in profligandis Dæmonibus, quas que ob causas Dæmones Reliquias non sustineant.

Vna omnium propemodum tam Catholicorum, quam Hæreticorum sententia est, Dæmones Reliquias Sanctorum fugere. Ex Hæreticis, post alios, hoc admittunt Magdeburgenses centuria 4 cap. 113. col. 1446. Pro Catholicis sunt Hieronymus & Chrysostomus: Hieronymus lib. contra Vigilantium: Tu, inquit, (Dæmonem alloquitur, qui per os Vigilantium Reliquias Sanctorum vilissimum puluerem appellauerat) sepe vilissimo hoc tortus es puluere. Chrysostomus docet eos fugere, quemadmodum fures, qui fugam capessunt, si quando in supellectionem incident regiam. Verba eius hæc sunt, homilia septima, de septem Machab. Ut audaces laironum duces, siue impij sepulchrorum effossores, si forte, dum prædas agunt, aut spolia capienda conquirunt, in arena vel ornamenta Imperatoris incurrerint, quamlibet cupidi prædarum, tamen agnitus Regis insignibus deterrerunt, ut fugiant, nec comminus accedere, vel attingere audeant: ita profecti & Dæmones, qui verè & latronum principes sunt. & Magistri; ubi coronatorum Martyrum viderint corpora postea longè illicè a conspectu eorum pavidi fugiunt, & absiliunt.

Nec temerè tam hi, quam illi, in hanc opinionem venerunt. Exempla pro hac re tot sunt, & tam clara; vt omnino in luce meridiana cæcutire dicendus sit, qui hæc velit negare: neque primis tantum illa sunt temporibus data; sed nostris quoq;: & non ab iis conscripta, quorum fides suspecta sit; sed iis, de quorum fide dubitare parum honestum.

Ex multis aliquot produximus Disputatione de Dæmoniis. hic contenti simus semicinctijs & suda ijs D. Pauli; de quibus S. Lucas cap. 19. historiæ Apostolorum, in hunc modū: Virtutes non quilibet faciebat Deus per manum Pauli, ita ut etiam super languidos deferrentur à corpore eius sudaria, & semicinctia; & recedebant ab ijs languores, & spiritus Nequam egrediebantur. Addimus sequens ex Theodoreto, ipsius Theodoreti verbis: quod quemadmodum argumentum nostrum confirmat, ita pluribus locis, in hac Disputatione potest seruire. Execrandus, inquit, Marcio, multas

Ec

spinas